


蘇曼殊全集

吳宗瑗



上海羣衆圖書公司印行
上海新文化書社代售



蘇
江苏工业学院图书馆
藏书章

殊

全

集

蘇曼殊文集卷四

詩集

耶婆堤病中，末公見示新作，伏枕奉答，兼呈曠處士。

羈爲塞上鴻，

我是華亭鶴，

遙念曠處士，

對花弄春爵。

良訊東海來，

中有遊仙作，

勸我加餐飯，

規我近綽約；

炎蒸困羈旅，

南海何遼索！

上國亦已蕪，

黃星何西落；

青驪逝千里，

瞻鳥止誰屋？

江南春已晚，

淑景付冥莫！

建業在何許，

胡塵紛漠漠！

佳人不可期，

皎月照羅幕，

九關日以遠，

肝胆竟誰託？

願得趨無生，

長作投荒客。

竦身上須彌，

四顧無崖嶠。

我馬已玄黃，

梵土仍寥廓！

恆河去不息，

悲風振林薄。

袖中有短書，

思寄青飛雀，

遠行戀儔侶，

此志常落拓！

簡法忍

來醉金莖露，

胭脂畫牡丹；

落花深一尺，

不用帶蒲團。

爲玉鸞女弟續扇

日暮有佳人，

獨立瀟湘浦。

疎柳盡含煙，

似憐亡國苦！

南樓寺懷法忍葉葉

萬物逢搖落，

姮娥耐九秋；

綈衣人不見，

獨上寺南樓。

飲席贈歌者

一曲凌波去，

紅蓮禮白蓮；

江南誰得似？

猶憶李龜年。

何處

何處停儂油壁車，
玳瑁窗虛延冷月，

西冷終古卽天涯。
芭蕉葉捲抱秋花。

搗蓮煮麝春情斷，
傷心怕向妝臺照，

轉綠迴黃妄意賒，
瘦顏朱顏祇自嗟！

以詩並畫留別湯國頓

蹈海魯連不帝秦，
滄天龍戰血玄黃，

茫茫烟水着浮身；
披髮長歌覽大荒，

國民孤憤英雄淚，
易水蕭蕭人去也，

灑上鯨鮪贈故人！
一天明月白如霜！

住西湖白雲禪院作此

白雲深處擁雷峯

幾樹寒梅帶雪紅；

齋罷垂垂渾入定，

菴前潭影落疎鐘。

題畫

海天空闊九皋深，

飛下松陰聽鼓琴；

明日飄然又何處，

白雲與爾共無心。

過平戶延平誕生處

行人遙指鄭公石，

沙白松青夕照邊，

極目神州餘子盡，

袈裟和淚伏碑前！

過蒲山

柳陰深處馬蹄驕，

無際銀沙逐退潮；

茅店冰旗知市近，

滿山紅葉女郎樵。

過若松町有感

孤燈引夢記朦朧，

風雨鄰巷夜半鐘；

我再來時人已去，

涉江誰爲采芙蓉？

有懷

玉砌孤行夜有聲，

美人淚眼尙分明；

莫愁此夕情何限，

指點荒烟鎖石城！

生天成佛我何能，

幽夢無憑恨不勝！

多謝劉三問消息，

尙留微命作詩僧。

本事詩十章

無量春愁無量恨，

一時都向指間鳴；

我亦艱難多病日，

那堪更聽八雲箏。

丈室番茶手自煎，

語深香冷涕潛然；

生身阿母無惜甚，

爲向摩耶問夙緣！

丹頓裴倫是我師，

才如江海命如絲。

朱弦休爲佳人絕，

孤憤酸情欲語誰？

慵妝高閣鳴箏坐，

羞爲他人工笑顰；

鎮日歡場忙不了，

萬家歌舞一閒身。

桃腮檀口坐吹笙，

春水難量舊恨盈，

華嚴瀑布高千尺，

未及卿卿愛我情。

烏舍凌波肌似雪，

親持紅葉索題詩；

還卿一鉢無情淚，

恨不相逢未髻時。

相憐病骨輕於蝶，

夢入羅浮萬里雲，

贈爾多情書一卷，

他年重檢石榴裙。

碧玉莫愁身世賤，

同鄉仙子獨銷魂，

雲鬢點點疑櫻瓣，

半是脂痕半淚痕。

春雨樓頭尺八簫，

何時歸看浙江潮？

芭鞋破鉢無人識，

踏過櫻花第幾橋。

九年面壁成空相，

持錫歸來悔晤卿。

我本負人今已矣！

任他人作樂中筭。

代柯子簡少侯

小樓春盡雨絲絲，

孤負添香對語時，

寶鏡有塵難見面，

妝臺紅粉畫誰眉？

浣江道中口占

孤村隱隱起微煙，

處處秧歌競種田；

羸馬未須愁遠道，

桃花紅似上吟鞭。

題師梨集

誰贈師梨一曲歌，

可憐心事正蹉跎！

琅玕欲報從何報？

夢裏依稀認眼波！

落日

落日滄波絕島濱，

悲笳一動劇傷神；

誰知北海吞氐日，

不愛英雄愛美人！

爲調箏人續像

收拾禪心侍鏡臺，

沾泥殘絮有沈哀；

湘弦灑遍胭脂淚，

香火重生劫後灰。

（嘗作風絮美人圖寄晦公廣州。晦公寄余詩，有向人風絮有沈哀句。）

淡掃蛾眉朝畫師，

同心華髻結青絲，

一杯顏色和雙淚，

寫就梨花付與誰。

（漢元帝時有同心髻，頭髮相纏，束以絳羅，今日本尙有此風。）

寄調箏人

生憎花發柳含煙，

東海飄零二十年；

懺盡情禪空色相，

琵琶湖畔枕經眠。

禪心一任蛾眉妬，

佛說原來怨是親；

雨笠煙蓑歸去也，

與人無愛亦無嗔！

偷嘗天女唇中露，

幾度臨風拭淚痕；

日日思卿令人老，

孤窗無那正黃昏！

寄晦聞

忽聞鄰女豔陽歌，

南國詩人近若何？

欲寄數行相問訊，

落花如雨亂愁多！

過若松町有感示仲兄

契闊死生君莫問，

行雲流水一孤僧；

無端狂笑無端哭，

縱有歡腸已似冰！

調箏人將行屬續金粉江山圖題贈二絕

乍聽驪歌似有情，

危弦遠道客魂驚；

何心描畫閒金粉，

枯木寒山滿故城！

送卿歸去海潮生，

點染生綃好贈行；

五里徘徊仍遠別，

永應辛苦爲調箏。

失題

斜插蓮蓬美且鬢，

曾教粉指印青編；

此後不知魂與夢，

涉江同泛采蓮船。

西湖韜光菴夜聞鶻聲簡劉三

劉三舊是多情種，

浪跡煙波又一年；

近日詩腸饒幾許？

何妨伴我聽啼鶻！

題拜輪集

西班牙雪鴻女詩人過存病榻，親持玉照一幅，拜輪遺集一卷，曼陀羅花共含羞草一忠見貽，且殷殷勸以歸計。嗟夫，予早歲披鬢，學道無成，思維身世，有難言之恫！爰扶病書二十八字於拜輪卷首，此意惟雪鴻大家心知之耳！

秋風海上已黃昏，

獨向遺編弔拜輪；

詞客飄蓬君與我，

可能異域爲招魂！

東裝歸省，道出泗上，會故友張君雲雷亦歸漢土，感成此絕。

范滂有母終須養，

張儉飄零豈是歸？

萬里征途愁入夢，

天南分手淚沾衣！

吳門依易生韻

江南花草盡愁根，

惹得吳娃笑語頻；

獨有傷心驢背客，

暮煙疎雨過闔門！

碧海雲峯百萬重，

中原何處託孤蹤？

春泥細雨吳趨地，

又聽寒山夜半鐘！

月華如水浸瑤階，

環珮聲聲擾夢懷，

記得吳王宮裏事，

春風一夜百花開！

姑蘇臺畔夕陽斜，

寶馬金鞍翡翠車；

一自美人和淚去，

河山終古是天涯！

萬戶千門盡劫灰，

吳姬含笑踏青來，

今日已無天下色，

莫牽麋鹿上蘇臺！

水驛山城盡可哀，

夢中衰草鳳凰臺，

春色縱憐歌舞地，

萬花撩亂爲誰開？

年華風柳共飄蕭，

酒醒天涯問六朝，

猛憶玉人明月下，

悄無人處學吹簫！

萬樹垂楊任好風，

斑驢西向水田東，

莫道碧桃花獨豔，

澱山湖外夕陽紅。

平原落日馬蕭蕭，

賸有山僧賦大招，

最是令人淒絕處，

垂虹亭畔柳波橋！

碧城烟樹小彤樓，

楊柳東風繫客舟，

故國已隨春日盡，

鷓鴣聲急使人愁。

白水青山未盡思，

人間天上兩霏微，

輕風細雨紅泥寺，

不見僧歸見燕歸。

無題

綠窗新柳玉臺傍，

臂上微聞菽乳香。

畢竟美人知愛國，

自將銀管學南唐。

輕紅簾動月輪西，

冰作闌干玉作梯；

寄語麻姑要珍重，

鳳樓迢遞無應迷。

水晶簾捲一燈昏，

寂對河山叩國魂；

祇是銀鷺羞不語，

恐防重惹舊啼痕！

空言少據定難猜，

欲把明珠寄上才；

聞道別來餐事減，

晚妝猶待小鬟催。

綺陌春寒壓馬嘶，

落紅狼藉印苔泥；

莊辭珍貺無由報，

此別愁眉又復低。

棠梨無限憶秋千，

楊柳腰肢最可憐；

縱使有情還有淚，

漫從人海說人天！

羅幙春殘欲暮天，

四山風雨總纏綿；

分明化石心難定，

多謝雪娘十幅箋！

星裁環珮月裁璫，

一夜秋寒掩洞房；

莫道橫塘風露冷，

殘荷猶自蓋鴛鴦。

東行別仲兄

江城如畫一傾杯，

乍合仍離倍可哀；

此去孤舟明月夜，

排雲誰與望樓臺？

憩平原別邸贈玄玄

狂歌走馬遍天涯，

斗酒黃雞處士家。

逢君別有傷心在，

且看寒梅未落花！